

INFORMAZIUNS PUR CORVARA Y CALFOSCH:

Ringraziament ai stüdafüch: ringraziun i stüdafüch por düt ci che èi fej chisc dis y fora por düt l'ann pur les comunitès. Dî s'l paies ince pur l'aiüt pro les festes y supultüres. Che so patronn S.Florian i dàis proteziun.

Requiem pur def.to don Angelo Complojer: in lünesc, ai 05 de mà dales 20.00 gnarâl ciantè dal cor de dljia da Corvara l requiem por def.to don Angelo complojer. Düc è dër bel invia.

Festa dla Prüma S.Comuniun: in dumënia, ai 11 de mà sarâl a Corvara la festa dla Prüma S.Comuniun de 13 mituns y mitans. Dales 9.45 ingrëss solënn di neocomunicanc cun i familiars y la müjiga da scola te dljia. Dales 10.00 s.mëssa cun l tema: "Gejù, mi tesur". Ti aodun a nüsc neocomunicanc che èi vëgnes acompagnà dai geniturs dumënia pur dumënia da "so tesur, Gejù". N bel giulan y düch chi che i à acompagnà y istruì fina chilò.

Referat sura Internet: Vertrauen ist gut Kontrolle ist besser: in mertesc, ai 06.05.14 a Calfosch tla Ciasa dles Uniuns dales 20.00 cun l Medienpädagoger Albertini Elmar. Sichere Passwörter finden und merken; PC; Tablet und Smartphone schützen?

Se incuntun por imparé da fá ciuries: in mercui, ai 07.05.14 a Calfosch tla Ciasa dles Uniuns dales 15.00 ales 17.00. Les ciuries vëgn fates da vëne por beneficënza o por sé instësc. Se tò para n uncinetto de metal nr. 5 o 6. La lana vëgn metüda a desposiziun dai organisadus.

Der Herr, der ist mein Hirt: Conzerç dl grup Il Pinzimonio Vocale adum a Petra Niederwölfsgruber (fablo a bech) y Reinhilde Gamper (zitira): ai 09 de ma tla dljia d'Al Plan y ai 10 de ma tla dljia de San Linert de Badia dagnora dales 20.00 saral l grup Il Pinzimonio Vocale che portara dant motetes de Johann Hermann Schein (1586-1630), de Melchior Vulpius (1570-1615) y de Leonhard Lechner (1553-1606). Lapro podaran aldí Petra Niederwölfsgruber y Reinhilde Gamper che sonara musiga dl Rinascimento y contemporana y fajara da acompagnament pro de plu toç vocai. Düc e der bel invies.

TÓ ITE LA CRUSC LA JONËZA : in vëindres, ai **02.05.2014** é düc i jogh dër bel invia da gni para te Val Gardëna a tò ite la Crusc dla Jonëza (diözesanes Jugendkreuz), che fej la roda de dütes les 20 diozejes de Südtirol y che restarà tl comun da Corvara por n'edema. La funziun gnarà tignida dales 20:00 a Urtejëi y spo gnarà la crusc portata tla dljia de Calfosch. En mercui, ai **07.05.2014** gnarà spo la crusc portata, tres na prozesciun cun i chentli, da Calfosch a Corvara. La prozesciun pëia ia dales 20:30 sön plaza de dljia da Calfosch. Tla dljia da Corvara sarâl spo i jogh dl comun de Badia che vëgn a s'la tò.

La Ciasa de Palsa en colaboraziun cun le Raiun Sozial Val Badia organisëia n referat sura l'alimentaziun cun le dot.ia Cristina Tomasi, doturia de medejina interna y angiologia da Balsan dal titol: „Iadelà dla dieta paleo. Čiodi é pa mangé sann important y zucher stlet? Co podun pa cumpré ite aladò, cujiné dert y vire sann?“ Dan ca stal la cualité, nia tan la cuantité di produç alimentars. Ara ne se trata nia de n plan laurè fora avisa, mo ma de na alimentaziun sana por la porsona. Tolon demez n pëi de grups de produç alimentars, dëida la dieta paleo te na maniera saurida a evitè acne, deplü maraties dl metabolism o autoimunitaries sciöche l'diabetes y la sclerosa multipla. I se incuntun en jöbia 8 de mà dales 8 da sëra te Ciasa de Palsa a San Martin de Tor. Düc é dër bel invia.

PLATA DLA CÜRA DLES COMUNITÊS DA CORVARA Y CALFOSCH


Le funziuns de Dljia pôn ince aldí sön Radio Sacra Familia frequënza **93,30**.

Internet: www.valbadiaonline.it – Plates dla cüra.



III. Dumënia de Pasca Nr. 23 Ann.,A“ 04.05. al 11.05.2014

Nos mitans y mituns de secunda
Ves invium düc dër bel en dumënia
11 de mà 2014 dales 10,00 tla dljia
da Corvara a festejë cun nos.



S. Mësses a Corvara

- 04.05.2014** **Dumënia - Domenica - Sonntag - Festa de S. Florian**
Jan 21, 1-4
 10,00 S.Mëssa pur l corp di destüdafüch da Corvara.
 S.Mëssa pur †.ti Alessandro y Klara Pescosta y Luigi y Cristina Pederiva.
 S.Mëssa pur def.ti Sepl y Berta Zingerle.
 S.Mëssa ad intenziun dla fam. de Paolo Agreiter.
 18,00 Corona de mà.
 18,30 S.Mëssa pur def.ti Pio y Carlo Mischi.
 S.Mëssa pur def.ti Mario Galtarossa y Elena Clara.
 S.Mëssa pur def.ta Mimi Crepaz.
Benedisciun di auti
- 05.05.2014** **Lünesc - Lunedì - Montag**
20,00 Requiem por def.to don Angelo Comploier ciantè dal còr de dljia.
 S.Mëssa pur def.ti de Rudi Granruaz.
 S.Mëssa pur def.ta Luigia Bernard - Agreiter.
 S.Mëssa pur def.to Giovanni Delazer.
- 09.05.2014** **Vëindres - Venerdì - Freitag**
 07,25 S.Mëssa pur def.ti Paolo, Anna, Teresia y Sepl Pedevilla.
 S.Mëssa pur def.to Lois Taibon.
 S.Mëssa pur def.to Milio Dapunt.
 17,30 Corona de mà por i crejimanc. Al dij dant Gregory, Lukas y Janpaul.
- 10.05.2014** **Sabeda - Sabato - Samstag**
 15,00 BATO de *Anna Oberbacher*.
- 11.05.2014** **Dumënia-Domenica-Sonntag- IV.Dumënia de Pasca**
Jan 10, 1-10
 09,45 Ingréss solénn di neocomunicanc cun sù familiars y la müjiga da scola te dljia y dales
 10,00 S.Mëssa cun l tema: "Gejù, mi tesur".
 S.Mëssa pur def.ta Francesca y def.ti Piccolruaz - Maneschg.
 S.Mëssa pur def.ti Placido, Luigia y Francesco Rottonara.
 S.Mëssa pur def.to Sepl Pescosta.
 S.Mëssa dl'ann pur def.ta Nanele Castlunger.
14,00 Da Cianins de sot a Oies: porciun por perié de vocaziuns.
 18,00 Corona de mà.
 18,30 S.Mëssa dl'ann pur def.to Gottfried Crepaz.
 S.Mëssa pur def.ta Maria Unterplatzer - Kostner.
 S.Mëssa pur def.ti dla fam. Frena.

Requiem por def.to don Angelo Comploier: in lünesc, ai 05 de mà 2014 dales 20.00 Requiem ciantè dal còr de dljia por def.to don Angelo Comploier. Düc è invià da gnl.

Aodanzas: noster aodanzas va ala picera ANNA de Lothar Oberbacher y Serena Caron che vëgn tuta sò la proscima sabeda tla Comunità di batià de nosta Cùra. Che ëla crësces sana y prosa y che ëla ti fejes tröpa ligrëza a sù geniturs.

Aodanzas: noster aodanzas va a Andrea Varallo y Stefanie Nagler che se marida la proscima sabeda tla Toscana. Che chësc lian sides impli de fede, fedelté y amur. Düt l'bun.

Lavè la Dljia: in jöbia, ai 08 de mà vëgnel lavè la Dljia. Metun man dales 8.00. Präibel tolesse para condla, busc y borduns. Ince n valgügn ëi y geniturs di mituns dla Prüma S.Comuniun é bëgnodüs. Ciarede de gni tröc. Plö che i sun y plö snel che fajun. Danfora n gran giulan.

S. Mësses a Calfosch

- 04.05.2014** **Dumënia - Domenica - Sonntag - Festa de S. Florian**
Jan 21, 1-14
 08,30 S.Mëssa pur l corp di stüdafüch da Calfosch.
 S.Mëssa in onur de S.Ujöp Frëinademetz pur la fam. Conrater Gustin.
 S.Mëssa ad intenziun dla fam. de Florian Alfreider.
 S.Mëssa pur def.to Sepl Costa.
Benedisciun di auti
- 05.05.2014** **Lünesc - Lunedì - Montag**
 17,30 Corona de mà dita dai crejimanc. Al dij dan Alessia, Lena, Steven, Jacob y Matteo.
- 06.05.2014** **Mertesc - Martedì - Dienstag**
 16,00 Degüna s.mëssa.
 19,30 Corona de mà.
- 07.05.2014** **Mercui - Mercoledì - Mittwoch**
 17,00 S.Mëssa dl'ann pur def.to Germano Costner.
 S.Mëssa pur def.ta Francesca Ballarin.
 S.Mëssa pur def.ta Frida Costner.
 S.Mëssa pur def.ta Celestina Oberbacher.
 S.Mëssa pur def.ta Maria Oberhammer - Costner.
 19,30 Corona de mà.
- 08.05.2014** **Jöbia - Giovedì - Donnerstag**
 19,30 Corona de mà.
- 09.05.2014** **Vëindres - Venerdì - Freitag**
 19,30 Corona de mà.
- 10.05.2014** **Sabeda - Sabato - Samstag**
 17,00 PRÜMA S.Mëssa dla IV. Dumënia de Pasca:
 S.Mëssa pur düc i def.ti da Calfosch.
 S.Mëssa pur def.ta Mersa Maria de Joel.
 S.Mëssa in onur de S.Ujöp da Oies pur la fam. de Zita Pescosta.
- 11.05.2014** **Dumënia - Domenica - Sonntag - IV.Dumënia de Pasca**
Jan 10, 1-10
 08,30 S.Mëssa in onur de S.Ujöp Frëinademetz pur la fam. Gustin Conrater.
 S.Mëssa pur def.to Sepl Costner, Gana.
 S.Mëssa dl'ann pur def.to Vighile Pinter.
 S.Mëssa pur def.ti Carlo y Hilda Pitscheider.
14,00 Da Cianins de sot a Oies: porciun por perié de vocaziuns.

La lüm eucaristiga vërd dô intenziun dla fam. Crepaz.

Ringraziamënt: i geniturs di mituns batià tratan l'ann 2013 dij dër bel giulan a Siur Andreas y ala uniun dles ëles por la bela picera festa da in mertesc. Giulan y Dî s'l paies.

*Ai mituns dla
Prüma Santa Comuniun:*

*Tröpa ligrëza
 tla amicizia cun Gejù!*



Domisdé te biblioteca: la biblioteca Sas dla Crusc y l'Unìun Ladins Val Badia ves invìeia ai 7 de mà dales 15 tla biblioteca da La Ila y ai 9 de mà dales 15 tla biblioteca da Al Plan a n domisdé de teater y jüc cun le liber "Mies prömes parores" y cun i clown Sälly y Merendina.

Prozesciun por perié de vocaziuns: in dumënia, ai 11.05.2014 dales 14.00 da Cianins de sot a Oies.

Cabaret "Badiotten" cun Simon Kostner: do le suzëss che Simon Kostner à albü cun so monologh incërch por Südtirol, saràl ciamò n iade da odèi en jöbia, ai 8 de mà, dales 20:00, tla Ciasa dla Cultura de La Ila. I sëis düc bel invia, l'entrada é debann (spënora lëdia).

Preparaziun al Bato: in sabeda, ai 17 de mà dales 15:00 ales 17:00 vëgnel tigni te Calonia a Al Plan la preparaziun al Bato cun le maester de religiun Erich Frenademetz. Invià é geniturs che à na creatöra da batié, sciöche inçe totes y tòc. S'anunzié pon pro Annamaria Complojer al nr. 334/6102551.

Prozesciun uniun ëi y jogn a Porsenù – Neustift ai 13.05.2014 dales 21.00:

L'uniun Kmb ëi Val Badia invìeia düc i ëi y jogn in mertesc, ai 13.05.2014 dales 21.00 a Porsenù ala prozesciun di ëi y di jogn cun linternes o ciandëres (da se tò para). An pëia ia da Porsenù (plaza da parché – Aquarena) dales 21.00 y an va cina a Neustift, ca. en ora da ji a pè y dailò gnaral dît la Santa Mëssa cun Siur Tone Fiung. Dala Val Badia gnarâl organisè na coriera y düc i interescia è peria de se anunzié pro l surastant dl paisc o pro Salvester Vittur 333 7247516 cina in dumënia ai 11 de ma 2014. La coriera pëia ia da Calfosch dan la Cassa Raiffeisen dales 18.45 y da Corvara dan l Hotel Col Alt dales 18.50. Gnide tröc, desmustrun che tignün sö in Chel Bel Di.

L'Aministraziun Separada BUZ / Fraziun da Corvara lascia alsavèi che al vëgn afité la munt Planfisti (Ciaulunch) cun stala/majun y ütia por la perioda de 5 agn. Les ofertes, sön le formular metü a disposiziun dal Aministraziun, é da dé jö tl secretariat dl Comun da Corvara anter les 12.00 di 09.05.2014. Informaziuns plü avisa ciafun sön la plata internet dl Comun da Corvara www.corvara.eu - seziun tofla digitala dla Aministraziun BUZ / Fraziun Corvara, o al nr. de telefonn 0471-830879.

Curs de ingleje de ma`: al foss pur principanc vigni mertesc y jöbia dales 19.30 y al mët man ai 06.05.2014. Pur progredis vigni mercui y vëndres dales 19.30 y al mët man ai 07.05.

Prenotaziuns: Dr. Marion Posch 335/6164156

La Uniun dles Patrones dl Comun da S. Martin de Tor organiseia na **Baratada de ciüf, pelzes y somenzes** ai 07 de mà 2014 dales 20.00 tl salf di studafüch a San Martin de Tor. Dales 20.00 saral **Gottfried Hochgruber** da S. Laurenz che tignarà n bel referat sura "**Enschlackungskuren, Entgiftung und Regenerien für das ganze Jahr**" + **Ernten der Pflanzen und Kräuter für das ganze Jahr**. Do le referat saral la baratada de ciüf, eij. Portesse cun os ciüf, pelzes o somenzes che ne adoreise nia plü denant co le sciuré, y gnide a se to ci che ves mancia. Preibel dè jö ala portina dl salf di studafüch dan le referat. Sce al foss possibile scrì sö ci sort de ciüf che al é. Gnide impó al referat y ala baratada inche sce ne eise nia val da portè, ves ciafareise sigü val' da se to para, spo lasceise val picia spenora.

L'Comun da Corvara: lascia alsavèi che te dütes trèi les fraziuns (a Pescosta tl medemo post, a Corvara dlungia l garage de Comun y a Calfosch sot ala pizzeria Black Hill) é ciamò le con-tainer por mët l ciomënt romenè sö incër les ciasas (rames, erba, zops, saurun, **mo nia imondizies!**).